




Voestes viehkie sårkosne

Tjïelke raerieh mah ånnetji aelhkebe darjoeh gåessie naakene sårkosne.

Ij maehtieh sårkoem jealadehtedh, men jis sårkoem juaka mubpine dellie aelhkebe sjædta. Raerieh daennie plakaatesne Sveerjen gærhkoen dååjreh-timmine almetjh sårkosne gaavnedidh jïh dåarjodh jïh ajve naakenh daejstie gellie darjoemijstie maam mijjieh guejmiealmetjinie maehtebe darjodh almetjen sårkosne. Aellieh ussjedh daate dan onne, aaj onne darjome maahta vihkeles årrodh. Jis datne sïjhth jienebe dåarjoem åadtjodh jallh sïjhth naakeninie sopt-sestidh dellie datne maahtah dov åålmegasse båetedh, buerie båeteme. Datne govlesadtemebievnessh gaavh jïh vielie tjïelke raerieh svenskakyrkan.se/forstahjalspennvidsorg



Gaskesadtedh

Vihkielommes gaajhkijste lea kaanne ibie govlesadteme-diedtem sorkijasse biejedh. Ibie daarpesjh jiehtedh "Ringkh munjnien jis maam akt, manne leam daesnie" dellie stoerre vaahra sorkije ij åajsoeh årrodh dïhte gie ringkie. Dellie buerebe jis mijjieh jiehtebe "Manne dutnjien ringkem dæjstan viht, vaestedh jis sïjhth". Såemies aejkien ibie naan vaestiedassem åadtjoeh, men dïhte eevre åkej, ij sorkije fierhten aejkien åajsoeh vaestiedidh, men læjhkan maehtebe ringkedh, jïh viht ringkedh.



Tsööpkh sjaavohthvoetem

Gellie demtieh gierve guejmiealmetjinie sopt-sestalledh gie sorkoe. Maam edtjem jiehtedh? Ussjedh jis eevre sjeavohth sjædta jallh dïhte almetje aalka tjeardh? Men dïhte vihkeles lea ij leah maam mijjieh jiehtebe men mijjieh sjaavohthvoetem tsööpkebe. Jïh naan aejkien sms:e buerebe enn telefonsoptestalleme juktie maehtedh aelhkebe daam seedtedh jïh aelhkebe daam vaestiedidh.



Vedtieh sijjem

Daamhtaj gellie almetjem seamma aejkien sorkoeh, gusnie gaajkhk dej jïjtse relasjovnem jïh histovrijem utnieh dejnie gie sealadamme. Dïhte vihkeles mijjieh baajebe lihemes sorkije jarngesne årrodh jïh aellieh dan jïjnjh mijjen jïjtse mojhtesi jïh domtesi bïjre soptsesth. Mijjieh tjoerebe mujhtedh baajh dan sorkijen domtesh, seamma mah dah leah, faamosne utnieh. Mijjen åssjelh jïh soptsesh hævvi vihkeles – men ij vihkielommes.



Vaeltieh skraejriem

Dïhte lea hijven jis mijjieh giëh dåarjobe maehtebe daam årrodh gie evtete sïejhme aarkebiejjien darjomem. Byöpmedistedh, filmem vuartasjidh jallh ånnetji vaadtsehtjidh. Gellie giëh sorkoeh haeliedieh sårkoste liegkedidh onn'ohdje jïh sïejhme jieledem siekierdieh. Ussjedh, almetje giëm mijjieh böörebe kaanne ij sïjhth båetedh jïh dïhte lea eevre åkej, vihkielommes mijjieh gihtjebe – jïh mijjieh viht doestebe gihtjedh.



Vuesehth lihkesvoetem

Gellie mijjeste bïllebe fer lihke mubpide båetedh jïh gellie aejkien ibie mijjieh dejgumie gaskesedtieh. Kaanne ussjedibie dïhte sorkije daarpesje raeffesne årrodh jallh sïjhtebe vuertedh ånnetji dejnie soptsestalledh gosse "vierremes lea jåhteme". Dïhte vihkeles mijjieh tjïelkeslaakan vuesiehtibie mijjieh daesnie guktie dïhte sorkije ij oktegh damth, jallh damta dïhte lea ignoradamme jallh ij leah meatan ektievoetesne.



Årroeh vissjeles

Fiere guhte sårkoje sov jïjtje sårkoeprosessem åtna, maam mijjieh daarpesjibie guarkedh jïh arhpædh. Vaahra gååvnese mijjieh voejhkelibie syölkeldehtedh guktie sårkoe haajpani jallh frustasjovnem vuesiehtibie juktie sårkoe jåarhka. Ij sårkoe utnieh naan bööremes-daan-daatumen-åvtelen jïh ij gååvnesh naan sïejhme jallh ovsïejhme vuekie jallh tïjje gåessie sorkedh. Naan aamhtesi bïjre tjuara ajve gellien aejkien sopt-sestidh, baajh dov guejmiealmetjem dan bïjre soptsestidh maam deahpadamme, dïhte maahta vihkeles bieliem sårkoem guarkedh jïh giëtedidh.